

5. september 2025

UKA 2025/127

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

**Soraarnerussutisiassanut pinngitsaaliisummik katersisussaataitanerup
eqqunneqareerneranit inuiaqatigiinni annertuumik eqqornerlungaasoqartarnerata
naalakkersuinikkut qanoq aaqqiivigineqarsinnaanera pillugu apeqquteqaat aallaavingalugu
oqallisissiatut siunnersuut.**

(Inatsisartunut ilaasortaq Aqqalu C. Jerimiassen, Atassut)

Katersisussaataitaneq pinngitsaaliisummik aallaqqaataaniilli eqqunneqarami arlalitsigut sakkortuumik uparuarneqartarsimavoq.

Uani oqallisissiatinni Atassummiit paaserusupparput, ilumut taamannak pinngitsaaliilluni katersisussaataitanermik aqqisimaneq inatsisitigut qanoq toqqammavissaqarnersoq, danskit grundloviat malillugu inuk pinngitsaalillugu katersitinneqarsinnaava?

Taamatuttaarlu 2017-imi PFA Soraarnej atorunnaarseriarlugu katersat PFA Pension-imut nuunneqarmata ataasiartumik 45%-imik akitsuuserneqarput, inuk nammineq sulinermigut katersisimasoq ajoralurtumik taamani tilliffigineqarpoq. Tamanna ilumut pisinnaatitaaffinnik unioqqutitsinerusimannginnerluni, tassami assigiinnarsinnaavaa illoqaruma nammineq, akilersorlugulu suli aningaaserivimmut aaliangersimasumut, aningaaserivillu matoriarlugu allamut aningaaserivimmut nuunnerani akiliutigisimasamma 45%-ii tigungaanni akilersorteqqillugillu. Namminersortoq taamaaliguni qularnanngilaq annertuumik inatsisitigut ajortuliortutut malersugaangaatsiarsimassagaluartoq.

Taamatuttaarlu 45%-it taamani nusunneqarmata ilanngaatigineqarsinnaanngitsutulluunniit inissinneqarnikuupput, illuanillu pisussaaffilerneqarput inuiaqatigiit pinngitsaalillugit katersitinneqassasut, katersaminnik piunasaqaataasunut naammassinninngitsut ukioq nutaaq aallartikkaagat akileraartarnermut allagartaatigut qaffaavigalugit akissarsiaanniit ilanngartuunneqartalerlutik, kiisaana maanna ilaasa 51% angusaleraanngooq.

Tamanna qanoq tamattaalluta maani inuuniarneq oqinnerusinnaaqqullugu aaqqiiviginiarsinnaavarput? Piffissanngorsimavoq immaqa tamanna inatsit atorunnaarsissallugu, nutaavimillu soraarnerussutisianik katersisarneq pillugu inatsisiliorluta.

Oqallilluarnissarput neriutugalugu qulequttamut annertuumut.

Oqallilluarisi.